



REPUBLIKA E SHQIPËRISË

UNIVERSITETI I SHKODRËS "LUIGJ GURAKUQI"

REKTORI

Nr. 1534/prot.

Shkodër, më 22.04 2026


Lënda: Njoftim për vende të lira pune

AGJENCISË SË PROKURIMIT PUBLIK

(Adresa: Bulevardi "Dëshmorët e Kombit"- Këshilli i Ministrave)

Duke ju falënderuar për bashkëpunimin e deritanishëm, bashkëlidhur ju dërgojmë për publikim në Buletinin e Njoftimeve Publike të radhës, njoftimin për 1 (një) vend të lirë pune në Universitetin e Shkodrës "Luigj Gurakuqi", pozicioni "Specialist" pranë Sektorit të Burimeve Njerëzore, Drejtoria Juridike, Burimeve Njerëzore dhe Protokoll/Arkivës.

Sipas kërkesës suaj, gjeni dhe "CD" me variantin elektronik të njoftimeve.





REPUBLIKA E SHQIPËRISË

UNIVERSITETI I SHKODRËS "LUIGJ GURAKUQI"

REKTORI

Nr. 1534 Prot

Shkodër, më 22.04.2026

N J O F T I M

Njoftohen të gjithë të interesuarit se në Universitetin e Shkodrës "Luigj Gurakuqi", shpallet konkursi për 1 vend vakant, kategoria staf ndihmësakademik me karakter administrativ, pozicioni "Specialist", pranë Sektorit të Burimeve Njerëzore, Drejtoria Juridike, Burimeve Njerëzore dhe Protokoll/Arkivës.

SPECIALIST

I. Kritere të përgjithshme:

Kandidatët për pozicionin Specialist pranë Sektorit të Burimeve Njerëzore, duhet të plotësojnë këto kritere të përgjithshme:

- a. Të kenë zotësi të plotë për të vepruar;
- b. Të zotërojnë aftësitë profesionale specifike për vendin e punës për të cilin konkurojnë;
- c. Të kenë aftësitë e punës në grup dhe të komunikimit profesional;
- d. Të mos jenë dënuar me vendim të formës së prerë të gjykatës për kryerjen e një vepre penale;
- e. Të mos jenë larguar nga USH pa miratimin e këtij fundit;
- f. Të mos kenë lidhje familjare (bashkëshort/ bashkëjetues, bir, bijë dhe fëmijet e tyre); gjininë (prindër, motër, vëlla dhe fëmijet e tyre), me punonjës brënda të njëjtës njësi ku kërkohen të punësohen, si dhe të mos jenë në kushtet e konfliktit të interesave sipas ligjit nr. 9367 datë 07.04.2005 "Për parandalimin e konfliktit të interesave në ushtrimin e funksioneve publike", (i ndryshuar).
- g. Të mos jetë marrë ndaj tyre masa disiplinore e largimit nga puna dhe nuk është provuar largimi i padrejtë me vendim gjyqësor të formës së prerë.
- h. Të mos kenë dëmtuar publikisht imazhin e USH-së.

II. Kriteret specifike:

Kandidatët për pozicionin Specialist pranë Sektorit të Burimeve Njerëzore, duhet të plotësojnë këto kritere specifike:

1. Kandidatët duhet të jenë të diplomuar në të dy ciklet e studimit, në të njëjtën fushë, në **shkenca ekonomike ose juridike**, në sistemin me kohë të plotë (*Bachelor*) dhe (*Master i Shkencave; program studimi i integruar i ciklit të dytë; program studimi i nivelit të dytë/ ciklit të dytë; ose program studimi 4- vjeçar*). Për të diplomuarit jashtë vendit kërkohet *certifikata e njohjes nga Ministria Përgjegjëse*.

Nota mesatare e përgjithshme e studimeve që në nivelet e kornizës shqiptare të kualifikimeve (kshk) i përket nivelit 6 (Bachelor/Program studimi i nivelit të parë) duhet të jetë jo më e ulët se **7 (shtatë)**.

3. Nota mesatare e përgjithshme e studimeve që në nivelet e kornizës shqiptare të kualifikimeve (kshk) i përket nivelit 7 (*Master i Shkencave; program studimi i integruar i ciklit të dytë; program studimi i nivelit të dytë/ ciklit të dytë; ose program studimi 4- vjeçar*) duhet të jetë jo më e ulët se **7 (shtatë)**.
4. Të njohë një gjuhë të huaj të vendeve të BE-së, (anglisht, frengjisht, gjermanisht, italisht, spanjisht), me nivel jo më të ulët se B1, (notë jo më të ulët se 7), të njohur zyrtarisht nga institucionet shtetërore.
5. Të ketë jo më pak se 2 vite eksperiencë pune në administratën publike;
6. Preferohet që kandidatët:
 - të kenë eksperiencë pune të ngjashme
 - të kenë aftësi shumë të mira komunikimi;
 - të kenë aftësi të mira kompjuterike;

III. Dokumentacioni:

Kandidatët për pozicionin Specialist pranë Sektorit të Burimeve Njerëzore duhet të dorëzojnë me postë drejtuar Universitetit të Shkodrës "Luigj Gurakuqi", dokumentacionin si më poshtë:

- a. Kërkesë me shkrim për punësim në USH.
- b. Jetëshkrim (CV) me foto personale.
- c. Kopje të noterizuara të diplomave universitare (Bachelor; dhe MSC, sistemi 4- vjeçar; DIND ose program studimi të nivelit të dytë/ciklit të dytë) dhe suplementet përkatëse të notave, të noterizuara. *Për diplomat e fituara në universitetet e huaja, duhet të dorëzohet certifikata e njohjes nga MASR.*
- d. Rekomandim ose leter referencë nga punëdhënësi i fundit.
- e. Dëshmi e gjuhës së huaj të njohur zyrtarisht nga institucionet shtetërore, në formën e kërkuar nga ligji (origjinale ose kopje të noterizuara).
- f. Dëshmi për kualifikime të ndryshme, pjesëmarrje në konferenca, seminare, ëorkshope etj.
- g. Dëshmi e gjendjes gjyqësore, vërtetim gjykate dhe vërtetim nga prokuroria, të lëshuara brënda 3- muajve të fundit.
- h. Raport mjeko-ligjor për aftësi në punë të lëshuar brënda 3- muajve të fundit.

- i. Kopje e noterizuar e librezës së punës dhe/ose çdo dokumentacion tjetër ligjor, që provon eksperiencën në punë.
- j. deklaratë personale që dëshmon për moslidhje familjare, (neni 5, pika 3/c) dhe që kandidati nuk ndodhet në kushtet e konfliktit të interesit që parashikon ligji nr. 9367 datë 07.04.2005 “Për parandalimin e konfliktit të interesave në ushtrimin e funksioneve publike”, (i ndryshuar).
- k. Fotokopje e pasaportës ose kartës ID.

Legjislacioni rreth të cilit do të zhvillohet faza e dytë e konkurimit për pozicionin “Specialist” pranë Sektorit të Burimeve Njerëzore”, intervista me gojë, do të bazohet në:

1. Ligji Nr. 7961, datë 12. 7. 1995 “Kodi i Punës i Republikës së Shqipërisë”, i ndryshuar.
2. Ligji nr. 80/2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”;
3. Statuti i Universitetit të Shkodrës “Luigj Gurakuqi”, miratuar me Urdhër të MAS nr. 366, datë 05. 07. 2018, i ndryshuar;
4. Ligj Nr. 124/2024 “Për mbrojtjen e të dhënave personale”
5. Ligji nr.119/2014 “Për të drejtën e informimit”, i ndryshuar.
6. VKM nr.329, datë 12.4.2017 “Për statusin dhe trajtimin e veçantë të personelit akademik”.
7. Udhëzim i MAS, nr.29, datë 10.9.2018 “Për veprimtarinë dhe ngarkesën mësimore të personelit akademik në institucionet e arsimit të lartë”, i ndryshuar.

V.O:

- Kandidatët duhet të dorëzojnë **me postë** dokumentacionin e mësipërm bashkë me një listë përmbledhëse të këtij dokumentacioni të firmosur, brenda **14 ditëve kalendarike** nga publikimi i njoftimit në Buletinin e Agjensisë së Prokurimit Publik.

Mosplotësimi i kriterëve të përcaktuara apo mosdorëzimi i dokumentacionit të kërkuar në këtë shpallje, (me përjashtim të kriterëve të përcaktuara si preferenciale) përbën shkak për skualifikimin e kandidatëve.

- Konkursi do të zhvillohet në dy faza:

Faza I: Vlerësimi i dokumentacionit dhe;

Faza II. Intervista me gojë.

- Kandidatët do të njoftohen me e-mail nga kryetari i komisionit ad-hoc për kualifikimin apo skualifikimin e tyre.

- Ankimimet mund të bëhen brenda 5 (pesë) ditëve punë nga shpallja e rezultatit.

REKTORI
Prof. dr. Tonin Gjuraaj